

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

docsriver.com 商家古籍书城
在文川网搜索古籍书城 获取更多好书


中國方志叢書·華北地方·第二六三號

據 清·王穆纂修 影印
清·康熙五十六年修光緒四年重刊本

陝西 省

固縣志

(二)



1961
成文出版社有限公司印行



中華民國五十八年 月壹一版

城固縣志

全二冊

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

城固縣志卷之八

署城固縣事西鄉縣知縣雲間王穆重修

藝文第十

補用直隸州知州署城固縣知縣江左徐德懷重刊

詩

梁

玩漢水

簡文帝

離色崑崙水泓澄龍首渠豈若茲川麗清流疾且徐
離離紳積淨藹藹樹陰疎石衣隨溜卷水芝扶浪舒
連翩馮去檝鏡澈倒遙虛耶持點纓上於是察川魚

docsriver 文川网
入驻商家 古籍书城

在文川网搜索古籍书城 获取更多电子书

唐

赴嘉州過城固縣尋永安超禪師 岑 參

滿寺枇杷冬著花老僧相見具袈裟漢王城北雪初
霽韓信臺西日欲斜門外不須催五馬林中且聽演
三車豈料巴川多勝事爲君書此報京華

宋

崇法院

韓 績

久聞雲際山中有古招提新秋喜遠覽銳意窮攀躋
出郭值微雨涼風曉萋萋陂陀越大嶺沙路清無泥

野沃稻田秀耒耜沿溝畦登岑復入谷漸過西山西
舉首望翠屋雙岸儻相攜虛橋駕烟靄峻閣排虹霓
下馬踏危級褰裳涉修梯超然層閣外仰視穹蒼低
俯眺亦何有森森喬木齊喧囂從吏語嘲哢驚禽啼
旣飯復搜討林間得幽蹊巖阿訪靈跡大士常高棲
古殿蝕苔蘚丹青暗塵翳俯身踐危蹬側足緣深溪
老樹陰潭黑風修亂蟬嘶懸泉洗陰壁瑩色如玻璃
佳觀誠可戀遲留懼顛擠捫蘿出天險始免魂神駭
緩步凌巖嶠雙旌隨杖藜回瞻花雨地已被烟雲迷

頓轡下平路晴川留馬蹄新篁映碧宇野寺臨長堤
乘倦駐歸策荒園步柔荑婆娑兩高樹磊落垂紅離
波井漱其液拂塵觀舊題出門尙斜日隱隱聞城鼙
勝槩亦陳迹茫然失端倪爲詩記髣髴吾友無訶詆

射虎行

丁運使

猛虎眈眈威百步一矢斃之侯甚武當時得雋驚倒
人此事今無聞往古孫郎登車方控弦千鈞竹弩伏
道邊終日獲彪何足數中石沒羽還徒然豈如跳哮
負林谷躍馬彎弓洞胸腹湏知勇銳敵萬人下視虢

虎同麋鹿聲名籍籍喧上郡邊頭何憂羗不輸願憑
顧陸丹青手畫作君家射虎圖

時紹興甲子總管楊從義行饒峯有虎罟出人皆
披靡義獨躍馬而前一矢殪之故公有此作

明

漢江源

薛瑄

巨峽自天開峨峨嶓嶷來迴還幽谷底清淺漢江源
泉古通元氣根深徹后坤朝宗東去意應不廢晨昏

斗山

郝晟

拋書乘興到蓬萊拂盡塵襟醉眼開入畫好山當戶
列如歌啼鳥近人來雄樓傑閣凌雲漢瑞草奇葩映
酒杯掃石焚香延坐久歸來明月滿蒼苔

孤貞歌

白桂

余節婦馬家母年方二十良人故一朝同死諒不難
旬月孤兒仗誰撫門衰祚弱心皇皇孤兒日長性醇
良教書和淚手新寫正字從頭心不忘子在膝邊夫
在地千鈞一髮懸宗祀萬口誰能移所矢三從自許
成今志暮景侵尋鬢已皤孤兒食祿將登科馬家舊

住連城下高名直與同差幾子生未識嚴君面母教
至今猶不倦百年肯負泉下人寸念長於手中線卓
栗蔡笳何足數孟母共姜堪並賢孤兒今日廩祿養
少醜節母素心堅

遊靈巖

白桂

一佛卧空天三椽佛殿前陵江浮北斗藥水引長年
幽徑花容笑叢林鳥語喧蓬萊何處是身世倚雲天
弔饒氏抱女死節

和鹽鼎

哀哀饒氏婦烈氣滿江頭重義死何畏全身生豈求

松摧青不改玉碎白常留芳骨隨波去清名萬古流
同三進士及熊令登寶山 子夏山人

寶山旣到莫空迴諺語相傳有自來蘭若蕙香名刹
古楊黃柳翠起誰栽木龍脫柱頽輪藏水鶴巢松傍
井臺爲間三元讀書處桂雲都是此中培

廣利院

失名

翠嶺蒼巖帶落霞水縈平野一川斜二山相距無十
里數口俱仙有兩家仇穴便當營草屋武陵何必訪
桃花擇鄉試花詢風俗善政人人令尹誇

和斗山宮詩

郝晟

凌空古栢繞迴廊幾度登臨入渺茫
洞口烟霞增秀麗嶺頭景物自芬芳
雨滋瑤草浸堦綠風送岩花撲鼻香
到此始知方外趣滿懷俗慮頓消忘

石峽堰

袁宏

秦嶺壓天高莫極秦潭流水源千尺
千尺源頭慶深長馬盤高堰遙相望
百丈龍門通霹靂源流混混承天潢
就中石峽勢磅礴石齒鑿鑿鱗牙齧
闢開石峽果伊誰漢中府推東魯郝積
薪舉火借天風五丁不

用驅神工二酉秘檢斯漏洩雲根銷滂泉源通下有
高腴田五萬不假人工自澆灌蒼生粒食國稅克平
地恩波天不旱我來立石登斗山紀功自慚才力慳
斯民坐享無窮利萬古鐫名宇宙間

夏日登斗山

子夏山人

攬勝爲登北斗山萬松小徑夾雲間茯苓歲淺無兒
出打麥場空但鳥蠻一望水村連綺陌八風劍氣轟
清班琳宮妙處尋碑讀誰道仙人不可攀

斗山和韻

袁宏

松蒲山巔雲護廊蒼苔白石路微茫
神仙洞府乾坤別蓬島人家景物芳
合抱紫荆綠歲久清霄丹桂散天香
箇中賸有無窮趣到此令人萬慮忘

留侯祠

由禮門

北橋曾與老人期帷幄當年帝者師
帶礪勳開籌漢日君臣義重爲韓時
一身去國榮今古三傑垂名冠鼎彝
相伴赤松何處覓白雲寥落轉堪悲

過留侯辟穀處

前人

赤帝開昌運群豪効壯猷登壇驚漢將
辟穀羨留侯

鳥盡弓終棄鴻冥志竟酌吾將爲吏隱長嘯老滄洲

和前韻

李 梧

帷幄資奇略訐謨壯大猷亡名爲俠客寸舌取封侯
黃石書能用赤松願亦酬高踪如可挹不惜訪瀛洲

和前韻

李一本

一介塵埃士興劉伏秘猷殊中超百代蚤見異群侯
借箸開基遠封留雅志酬泛湖同比跡遠害去遐洲

和前韻

韓 鵬

真人師帝日帷幄効嘉猷受旨一編簡提封萬戶侯

功成祿不食圯上約將酬顧我元同調相期方外洲

悲憤二首

席增光

聞道漁陽紛戰鼓忽驚幽并播哀音草茅敢謂孤臣
遠涕泗應知萬里心龍去鼎湖雲黯黯鶴華表影沉
沉遙瞻北斗天門杳明月蘆花恨轉深歸

愁雲慘霧鎖桑乾五鳳樓中曙色殘望斷瑤池八駿
杳泪深湘竹九嶷寒披堅執銳銅駝易雪窖冰天馬
角難何若乘雲遺劍履光華日月照長安

郤聘

前人

生來骨相異公侯一往疎狂便自休野鶴隨雲心殆
遠沙鷗逐水意何求不聞綺里妨蕭相幾見臯夔覓
許由寄謝弋人空設想鴻飛天外已難留

本朝

過沔邑謁武侯祠

江朝宗

隆中自是伊周爾王者不興公不起若非三顧禮意
愍焉得三分存漢紀祁山六出土枕戈瀘水重經收
南鄙木牛流馬飛輓輸祭風返火赤千里妙算神機
人錯愕祇是巾綸而扇羽一時豪傑多比肩折衝談

docsriver 文川网
入驻商家 古籍书城

在文川网搜索古籍书城 获取更多电子书

笑任揮指天旣生瑜又生亮其他區區不足訾阿斗
庸才安僻處鞠躬盡瘁公死矣雖曰天意不興劉平
吳削魏中流砥最憐先王知遇深託孤自取胡爲齒
豈是後世多權術知臣謹慎猶虛已吁嗟兮不讀出
師先後表千古誰知天日矢儒者氣象王佐才三代
以下罕比擬我來祠下肅拜瞻聊述純忠寫片紙
按樂城爲武侯所築以貯糧草則有功民社宜建
專祠而竟不立祀何也想歷年久遠或有廢興亦
未可知余復五日京兆未經詳請不敢創造因入

郡伯此詩以誌遺意云

穆識

丙申孟春望後二日秋曹佛天來舒仁山兩同

寅偕延慶州宋澄菴刺史奉

命至秦道過漢中率賦三律

江朝宗

星輅至止入西京特奉

綸音五省行直為

聖朝


除伏慙故勞

天使載干旌亂流沸石胷中靜疊岫

穿雲足不平爭勝史遷空計臆山川到處盡知名

刑書共校白雲傍別後相思各一方君輩勲名依日

月余慚疎拙守巖疆開軒忽接郵亭檄戎僕爭趨棧



道裝鳳邑山前欣握手故人話舊意偏長

讀君選韻誦君詩耳熟高名慰所思循績當年傳閩
海新猷此日傍王基採風特下賢能詔環轡仍聯
唱和辭漢水春星占共聚愧無瓊玖報相知

賦別佛天來舒仁山兩同寅


江朝宗

路向興元盡山從蜀道深故人方見面別緒又驚
雲氣隨征轡花香上客襟錦江春色好住待使君臨

賦別宋澄菴

江朝宗

寤寐非朝夕秦關得識荆壘筮曾把臂叔季復通名



連轡春風拂挑燈夜月清明宵分袂去君向蜀中行
蟾宮吸月亭

張次浚

仙跡茫茫何處尋山人遙指白雲岑月亭彷彿雲姝
杳蟾窟藏埋芝草深石室漫勞傳往事清流猶喜滌
塵襟松梢風送濤聲起上入巖巔和鳥吟

前題

杜華

斗岫何年闢草萊仙宮雲向嶺頭開氣蒸蟾窟山光
隱月映龍潭水意澗松底綠茵供夏簟巖邊幽鳥侑
春杯閒尋舊日遺踪跡惟見蒼煙鎖碧苔

贈西鄉王靜淵同寅

何霽

今識無雙士知交有幾人
超羣能遠俗豪邁不堆塵
南國同爲吏天涯共此身
平生何限意慷慨向君陳

懷鄉

去國三千里辭家已四年
獨驚遊宦客貧病更堪憐
穀雨日暑齋牡丹爲雨所損漫賦

牡丹花事碧玲瓏幾許殘
香怨落紅點滴聲中人獨
倚銷魂風雨月朦朧

石峽

遲煥

漢南山農重渠堰蓄洩藉以防潦旱月令季春詔築
修余也遵行周近遠策蹇爲過斗山隈相度形勢期
中窾巍然怪石峙中流流水至此疑已斷突兀噴
莫可名爲遡生平見亦罕那知一線劃然開奔騰迅
駛何慄悍飛流直向五門來分行支港旋舒緩灌溉
周遭五萬田豐年菑屋倉箱滿卽使霖霖注澮溝噴
乾亦得滋禾稈爲問開鑿自何人有明司理勞籌算
弘治間本府司理余以鄰封得代庖修之築之固隄
郝公署篆鑿成
岍爾民若非此峽通安得熙熙長飽煖

docsriver 文川网
入驻商家 古籍书城

在文川网搜索古籍书城 获取更多电子书